

歲寒堂讀杜卷之十七

目錄

九月一日過孟十二倉曹十四主簿兄弟

過客相尋

孟倉曹領酒醬見遺


課小豎鉏斫舍北果林枝蔓荒蕪淨訖移牀三首

溪上

中夜

復愁十二首

搖落



九日五首

季秋江村

季秋蘇五弟纓江樓夜宴崔十三評事韋少府姪三
首

暮歸

送孟十二倉曹赴東京選

憑孟倉曹覓土婁舊莊

耳聾

小園

夜

奉酬薛十二判官見贈

送李八祕書赴杜相公幕

贈李八祕書別三十韻

奉送韋中丞之晉赴湖南

聞惠子過東溪

大覺高僧蘭若

自灤西荆扉移居東屯茅屋四首

簡吳郎司法

又呈吳郎

題柏大兄弟山居屋壁二首

覃山人隱居

柏學士茅屋

東屯月夜

東屯北嶼

夜二首

茅堂檢校收稻二首

秋野五首

傷秋

雨

秋清

瞿唐兩崖

暝

雲

晨雨

天池

卽事

獨坐二首

雨四首

返照

向夕

大曆二年九月三十日

十月一日

戲作俳諧體遣悶二首

從驛次草堂復至東屯二首

暫往白帝復還東屯

刈稻了詠懷

柳司馬至

自平

久雨期王將軍不至

虎牙行

寫懷二首

觀公孫大娘弟子舞劍器行

并序

有歎

寒雨朝行視園樹

白鳧行

冬至

舍弟觀赴藍田取妻子到江陵喜寄三首

別李義

送高司直尋封閬州

錦樹行

白帝城樓

夜宿西閣曉呈元二十一曹長

西閣口號呈元二十一

寄從孫崇簡

奉送卿二翁統節度鎮軍還江陵

白帝樓

夜歸

夜聞簷簌

前苦寒行二首

晚晴

復陰

後苦寒行二首

歲寒堂讀杜卷之十七

嘉興 范輦雲 楞阿 輯

男 玉琨 校

九月一日過孟十二倉曹十四主簿兄弟

原註大歷二年九月

吐蕃寇靈州邠州京師戒嚴

藜杖侵寒露蓬門啓曙煙力稀

申本作衰

經樹歇老困撥書眠

語自稱意

秋覺追隨盡來因孝友偏清談見滋味爾輩可忘年

蓬門公所居力稀句是老人途中行景撥書眠正見忘形追隨盡言往來之人少也清談正言其家貧而道義相洽故清談甚有味耳

過客相尋

窮老眞無事江山已定居地幽忘盥櫛客至罷琴書挂壁
移筐果噉兒問煮魚時聞繫舟楫及此問吾廬

無事謂別無營求故可隨寓而安忘盥櫛用嵇康一月
不梳頭意惟以琴書自娛客至始暫罷耳挂壁見居隘
呼兒言無僕照出窮老二字末又感諸友之見存也○
問煮魚蔡本作間字言客至間或煮魚也甚妙且與末
句問字
不複

孟倉曹步趾領新酒醬二物滿器見遺老夫

倉曹主
倉庫吏

步趾言行
步而來也

楚岸通秋屐胡牀面夕畦籍糟分汁滓甕醬落提攜飯糲
添香味朋來有醉泥理生那免俗方法報山妻

首言倉曹先緣楚岸而行至則對胡牀而坐○酒成而
汁滓相將甜酒也○那免俗區區爲口腹計亦俗事然

治生又
不能免

課小豎鋤斫舍北果林枝蔓荒蕪淨訖移牀三首

病枕依茅棟荒鋤淨果林背堂資僻遠在野興清溪山雉
防求敵江猿應獨吟洩雲高不去隱几亦無心

茅棟卽舍北茅棟公扶病欲移牀於此故先令小豎鋤
荒也五六句是比公隱果林如山雉忘機江猿自得也
末句見高雲無心已隱
几對之與之相忘也

衆壑生寒早長林卷霧齊青蟲懸就日朱果落封泥薄俗
防人面全身學馬蹄吟詩坐迴首隨意葛巾低

就日蟲向陽也封泥果落爲泥所沾也三聯謂見人面
卽防其險學馬蹄隱逸自適其真性也末二句正隨意
自得無所
拘束之意

籬弱門何向沙虛岸只摧

字意宛轉

日斜魚更食客散鳥還來

幽趣宛密

寒水光難定秋山響易哀天涯稍曛黑倚杖更徘徊

籬弱言籬不自植之象觸處損壞故門無定向也魚更食謂日斜照水魚見金波蕩漾誤以爲投餌故爭相迎吸客散幽寂故鳥下庭中也○三首一章言僻野雲高二言曉晴日出三言日暮光寒此敘景之章法也一章言言無心二言隨意三言徘徊此敘情之章法也一章言隱几而臥二言吟詩而坐三言倚杖而立此敘事之章法也一章以山雉江猿自喻二以人面馬蹄自警三以魚食鳥來自適此敘意之章法也細玩三詩有漸入漸淡極參差極整齊之妙學詩者知此自不患疊牀架屋矣

溪上

峽內淹留客溪邊四五家古苔

一作苔

生迤地秋竹隱疎花

塞俗人無井山田飯有沙西江使船至時復問京華

此詩句句說溪上尚可淹留小雅茗之華茗葦之秀者
雖隙地必生故曰迳地塞上無井溪水尚可飲也山田
有沙溪水尚可淘也末二句言此溪直接大江尚可
從至蜀使船一問長安消息故可淹留耳迳迫也

中夜

中夜江山靜危樓望北辰長爲萬里客有愧百年身故國

風雲氣高堂戰伐塵胡雛負恩澤嗟爾太平人

望北辰思君也久爲客無補朝廷故可愧耳故國謂長
安高堂猶言畫堂朱戶謂杜陵屋廬也開寶之亂始於
祿山故公追恨之負恩澤亦見元宗所寵非
人也徒使太平黎庶肝腦塗地爲可嗟也

復愁十二首

人煙生處僻虎跡過新蹠野鶻翻窺草村船逆上溪

第一首自言
所寓之僻

釣艇收緝盡昏鴉接翅稀月生初學扇雲細不成衣

此下二首
思鄉之意

萬國尙防寇故園今若何昔歸相識少早已戰場多
身覺省郎在家須農事歸年溪荒草徑老恐失柴扉

此下二首言用回紇以擾
中國之失○家卽指長安

金絲鏤箭鏃阜尾掣旗竿一自風塵起猶嗟行路難

風塵謂自勦寇借兵回紇使得擾亂中國行
路益難此詩蓋隱言之看公花門一首便知

正觀銅牙弩開元錦獸張花門小箭好此物棄沙場

此歎官兵相習從胡中
國勁弩反失其長技也

胡虜何曾盛干戈不肯休閭閻聽小子談笑覓封侯

此言人情喜事開邊自取高爵以致用兵
不息○此下三首皆言當日用兵之失

今日翔麟馬先宜駕鼓車無勞問河北諸將角榮華

此譏諸將不速平賊而競奢侈以苟安因憤言良馬宜
置之無用因河北諸將皆榮華相尙無滅寇之心也○
錢云翔麟良馬名○朱云言河北諸將方以爵土相雄
長朝廷雖有戰馬安所用之時降將羈縻代宗專事姑
息公度非兵力所制故云或謂公欲息兵休
戰大非○原註漢文帝以千里馬駕鼓車

任轉江淮粟休添苑囿兵由來貔虎士不滿鳳凰城

此言禁兵宜精不宜多添以耗餉而擾民也○朱云見
當轉運以實京師以代宗寵任朝恩由是宦官典兵卒
以亡唐此詩所諷
豈獨爲冗兵慮哉

江上亦秋色火雲終不移巫山猶錦樹南國且黃鸝

此言楚中時令之別○前泛論
時事至末三首仍結到自身

每恨陶彭澤無錢對菊花如今九日至自覺酒須賒

無錢謂不能沽酒

病減詩仍拙吟多意有餘莫看江總老猶被賞時魚

申云吟多意有餘是杜詩全部本領自己說出○賞時魚謂昔日賞時之魚尙被佩也公自歎臨老得爲郎也被服也佩也朱云公言我雖老若江總猶有銀魚之賜則流落未足爲恨也○魚分三等玉金銀三品以上金五品以上銀○按唐制致仕官內外五品以上許終身佩魚自是賞緋紫例兼魚袋謂之章服

搖落

搖落巫山暮寒江東北流煙塵多戰鼓風浪少行舟鵝費義之墨貂餘季子裘長懷報明主臥病復高秋

東北流正恨己不能與江同北也公壯遊詩曰七齡書大字有作成一囊則公固善寫者故以義之自比見從